

臨安志卷第八

山川

蓋嘗登天目山憑仙壇石屋見山皆西南馳雙溪並趨而合于於瀉縣峯寧似少駐回望天目曾雲中如沈雄古大將按轡其後山大勢不可遏少決驟已抵臨安縣大官山者直培塿耳循而至九鎖山蓋略爲盤礴環以天柱諸峯若暫止息者已而轟轟赴餘杭下武林靈隱山始韶秀而山於是左右分北高峯左轉抵葛嶺下標以保叔塔右轉一支挾南山標以雷峯塔二塔爲西湖門戶而山特派起爲南高峯捷以

淳祐臨安志卷八

一

八幡慈雲諸嶺翼爲七寶鳳凰山昂頭布尾若翔而集前界大江乃止吁亦誠異矣猶未爲異也又嘗自黟歛諸山循行括蒼天台皆魁岸嶄特至沃州下嶠嵎山漸平行薄雲門會稽浸以鏡湖纔少舒暢文巒細巘靡靡至西陵所謂越王山者旁率諸山咸聳亦界江而止吳越兩山於是相主賓而淪河衡貫焉然後瞿然歎曰山川無情也而天以是爲巧天非能巧也而氣以是爲會然則氣之所會天不知其爲巧山川不知其爲情彼太行黃河嵩洛雍渭之勢可坐想也夫杭之山川其美眾矣大較當以是觀之敘山川

第四

城內諸山

鳳凰山

祥符舊經云在城中錢塘舊治正南一十里下瞰
 大江直望海門山下有鳳凰門有雁池趙清獻公
 抃詩云老來重守鳳凰城是也詳見中和堂其右山巔
 有介亭石筍林立最爲怪奇舊傳錢武肅王鑿山
 見怪石排列兩行如從衛拱立趨向因名排衙石
 及刻詩石上第二峯有白塔塔西有小徑青石崔
 嵬夾道皆峭壁中穿一術通人往來名曰石術好

淳祐臨安志卷八

二

事者多題名其閒熙寧中郡守祖無擇對排衙石
 作介亭天風冷然有縹緲憑虛之意蘇公軾有登
 次公詩籃輿西出登山門嘉興我友尋仙村丹青
 明滅風篁嶺環佩空響桃花源郡人謂介亭山上
 爲桃源路前朝欲上已蠟屐黑雲白雨如傾盆今
 晨積霧卷千里豈畏觸熱生病根在家頭陀無爲
 子久與青山爲弟昆孤峯盡處亦何有西湖鏡天
 江抹坤臨高摩手謝好住青風萬壑傳其言風回
 響答君聽取我亦到處隨君軒登介亭次劉景
 文韻澤國梅雨餘衰年困蒸溽高堂磨新磚頗覺
 利腰足松根百尺井雨綆飛淨淙流觴聚兒童一
 笑爲捧腹清風信可馭剛氣在崑麓始知共此世
 物外無三伏長歌人雲去不待絃管逐西湖真西
 子煙樹點眉目濤江少醞藉高浪翻雪屋俛仰拊
 四海百世飛鳥速遠追錢氏餘近弔祖侯躅吾生
 如寄耳寸晷輕尺玉誰似劉將軍逸韻謝邊幅千
 言一揮手五車不再讀春岩彩雞舞月峽哀猿哭
 朝先啼鳩起暮與寒蟬續我老廢吟哦賴君時擊

觸從今事遠覽發軔此幽谷清游得三昧至樂謝
五欲莫作狂道士氣壓劉師服又登介亭次袁
公濟韻昏昏墮醉夢奈此六月溽君詩如清風吹
我朝睡足登臨得佳句江白照潮濑袖手猶不言
默藁已在腹是時風雨逼藹藹雲歸麓疎星帶微
月金火爭見伏惜哉此清景變滅不可逐歸來讀
君詩耿耿猶在目卻思少年日雁聲我亦繼華躡
知君躡蹠獨泣荆山玉相見南新道青衫垂破幅
早知事大謬恨不十年讀莫嫌馮唐老終勝賈誼
哭今年復為僚舊好許重續升沈何足道等是蠻
與觸共為湖山主出入窮澗谷眾馳君不爭人棄
我所欲何時神武門相約掛冠服丘溶字道源
題聖果寺祖公介亭詩金商肅肅淬龍淵白曉揮
開東北天天孫引下翡翠煙層層堆列參井邊便
於裸壤蟠危巖城雉岩巖暗接連地祇欲誇融結
權蘇花刷破蟄蟲遷皮刻骨露判混元一支一節
相貫穿洞庭波浪徹底乾驅來不用暴秦鞭大者
鯢旄下騰騫尊卑敘立鴻雁聯欲觀曜寶禮法專
縞豹虺虎競差肩稟命踉蹌未敢前精神張旺腰

溥祐臨安志卷八

三

攀拳霸臣納土窮海壘怪狀埋沒幾百年中和有
美既爭先磷磷丹漆排雕椽太守擇之以繼曩賢念
此嵌空清且堅遽於峭絕剗墀軒名之以介非徒
然介是長男變初世六二爻辭蘊深祕重門待暴
乃其卦未兆末萌堪畏避公性中正仍盡瘁悔吝
何憂憂道義道義興行王綱備乃是擇之之本志
平湖巨浸六幕寬此時非獨圖宴熹暑月芙蓉秋
月濤截斷風光千百里鵬雲沆瀣南北透離朱澄
目曠傾耳料公豈戀葦苕地才業施為自茲始或
借前筋或赤篋式遐蠻戎順文軌炎上潤下火兼
水無燥無烈無圯毀張衡巧製塵灰纍入虬困睡
金丸止勸公速為蒼生起起輔垂裳
永勳庸輝信史此
亭萬古鐘星紀

山土舊有聖果院今廢側有梵天院

吳山

祥符圖經云在城中錢塘縣舊治南六里按史記

吳人憐伍子胥以忠諫死爲立祠於江上因命曰

胥山有盧元輔所爲碑銘太平寰宇記吳山之北有寒泉迸溢

清甘不竭今山上有忠清廟祀伍子胥天明宮中興觀

太史局太歲殿城隍廟承天宮舊有胥山坊今廢

橫翠閣蘇公軾法惠寺橫翠閣詩云朝見吳山橫暮見吳山從吳山故多態轉側爲君容幽

人起朱閣空洞更無物惟有千步岡東西作簾額春來故國歸無期人言悲秋春更悲已泛平

湖思濯錦更看橫閣憶峨嵋雕欄能得幾時好不獨憑欄人易老百年興廢更堪哀懸知草莽

化池臺游人尋我舊游處但覓吳山橫處來

七寶山

在天慶觀後舊有七寶寺靈壽觀在山之麓

淳祐臨安志卷八

寶蓮山

在城中與七寶寺相連有寶蓮寺

石佛山

在城中舊有僧寺今爲都進奏院

瑞石山

舊經云在城中錢塘縣舊治之南七里瑞石泉出

焉今爲糧料院後山

金地山

舊經云在城中錢塘縣舊治之南八里上有妙果

尼寺今徙于修文坊

茆山

舊經云在城中錢塘縣舊治之南八里河曰茆山
河今蒲橋小河是也山今夷為民居錢塘縣崇化鄉亦有茆山
與了頭山
寮山相連

淺山

在漾沙坑今楊府前對山

寶月山

舊有寶月寺回頭和尚造寶月山塔寺廢基尚存黑龍潭在寺西一

名天井山今在中官續氏園

峨眉山

淳祐臨安志卷八

五

舊經云在錢塘舊治之南六里今對祕書省仁和县大

雲鄉亦有峨眉山

草塢山

元名草場山舊圖經云在城中錢塘舊治之南五里

寶山

在吳山之南舊有寶嚴寺翰林蘇公軾同秦仲二

明已報百吏散半日來陪二子閑立鶴低昂煙
雨裏行人出沒樹林間實月新開徑詩云藤
梢橋刺原無路竹杖櫻鞋不用扶風自遠來
笑語水分流處見江湖觀佛國青螺髻遍踏
仙人碧玉壺野客歸時山月上棠梨葉戰暝禽
呼寶山畫睡詩云七尺頑軀走世塵十圍便腹
貯天真此中空洞渾無物何止容君數百人

青平山一作清平

在鳳凰山之北糧料院之後

狗兒山

在城內豐樂橋之南

竹園山

祥符圖經云在城中錢塘縣舊治之南五里今在府治之西南其山自吳山一脈隱隱隆起獨趨而北陰陽家以為今治所之主山舊屬張循王府大資府尹趙公與憲鸞得其地建閣其上平鑑西湖今上皇帝御書竹山閣扁題以賜

清祐臨安志卷八

虎林山

舊經云在錢塘縣舊治之北半里今錢塘門裏太一宮道院高士堂後土阜是或云一名武林詳見太一宮附註

城南諸山

包家山

在城南近郊壇泔水峪舊多桃花為春山遊覽之勝

大慈山

在錢塘縣龍山之西有廣福金書院虎跑泉

龍山

在嘉會門外去城十里一名臥龍山

蘇公軾有龍山真覺院瑞

香花詩見本寺

五雲山

舊圖經云在錢塘縣約高百丈周迴一十五里山中有真際院嶺上有天井大旱水不竭

定山

舊圖經云在錢塘舊治之西南四十七里一百四十步高七十五丈周迴七里一百二步太平寰宇記云定山突出浙江數百丈又按郡國志江濤至是輒抑聲過此則雷吼霆怒上有可避處行者賴之俗傳是海神婦家

秦望山

兩朝國史志錢塘有秦望山舊圖經云在錢塘縣舊治之南一十二里一百步高一百六十丈周迴一十里一百步晏殊輿地志秦始皇東游登此山欲度會稽後唐同光中錢氏于秦望山建上清宮有巨石二十餘株自然成行名曰金洞門晏殊云近東南有羅刹石大石崔嵬橫截江濤商船海舶經此多為風浪傾覆因呼為羅刹

羅刹本西域語譯云速疾鬼

每歲仲秋既望必迎潮設祭樂工鼓舞其上李建勳詩曰何年遺禹鑿半里大江中白居易詩曰嵌空石面標羅刹壓捺潮頭敵子胥後改名鎮江石五代開平中爲潮沙漲沒

羅隱詩羅刹江邊地欲浮是也

浮山

舊圖經云在錢塘縣舊治東南四十里蘇軾開河奏云潮水自海門來勢若雷霆而浮山峙於江中與漁浦諸山相望犬牙錯入以亂潮水洄洑激射其怒百倍沙磧轉移狀若神鬼雖舟師漁人不能前知其淺深坐視舟船覆溺無如之何今號浮山

清祐臨安志卷八

八

頭最爲險處

排山

在錢塘縣定山之北鄉

排山嶺在定山南鄉屬仁和縣

報山

在錢塘縣近廟山

廟山

在錢塘縣去城五十里突出江心潮勢至此方殺

壘山

在錢塘縣去城五十里近廟山在楊村有慈嚴院

寺中有小嶽祠自端平間都人至暮春祠之

城西諸山

武林山

西漢志會稽郡錢塘注武林山武林水所出祥符

舊經云在縣西十五里高九十二丈周迴一十二

里按劉道真錢塘記云吳郡有虎林山昔秦漢間

而己鄭戩靈隱天竺詩集序云曰猿可呼仁虎不

食是也又按契嵩武林志靈隱山一日曰武林秦漢

號虎林以其棲白虎也晉曰靈隱山一名曰靈隱山

用飛來故事也唐曰武林避諱也又名曰靈隱山

錢塘合劉道真錢塘記太子文學陸羽靈隱天竺

寺記翰林學士夏竦靈隱寺捨田記翰林學士胡

宿武林山天竺寺記皆云武林山即靈隱山也或

云錢塘門裏太一宮道院後虎林山一名武林山

然典籍不載曰靈苑曰僊居山上有五峯曰飛來

無所考據

清祐臨安志卷八

九

晏殊輿地志云晉咸和元年西天僧慧理登茲山

歎曰此是中天竺國靈鷲山今此亦復爾邪因掛

來佛在隱寺號為飛來峯僧慧洪詩云意行忽

錫造靈隱寺號為飛來峯僧慧洪詩云意行忽

出門欲留聊植杖雲間飛來峯巖然眉曉上氣勢

欲翔舞秀色無干嶂萬物皆我造何從有來往大

千等毫末古今歸俯仰心知目所見皆即自幻妄

如窺鏡中容豈他人像頗怪胡阿師乃作去來

想此意果是非一笑聲輒放但復臨冷泉舉手弄

清漲揚蟠詩曰飛來山秀已含春不遇

名僧識千年豈有神郭祥正詩云誰從天竺國

分得一峯來占盡湖山秀最宜煙雨開梅詢詩

云竺慧指此峯飛來自靈鷲猿鳥曾未知煙嵐尙

依舊典亡謾干古天地豈關紐祇恐舟壑移他年

御西走建安朱繼芳詩云元是西天住飛來莫

去休未憑仙佛國好似帝王州彼樹亦如寄吾生

應更浮白猿呼不日白猿詳具呼猿洞曰稽留平

應松露滴獼猴不日白猿詳具呼猿洞曰稽留平

寰宇記云許由葛洪皆隱曰月桂僧遵式月桂峯

此山因而忘返故號稽留曰月桂僧遵式月桂峯

中桂子嘗墜此峯生成大樹其華白其實丹一說
天聖中天降靈實于此山狀如珠璣識者曰此月
中桂子也宋之問詩曰桂子月中落白曰蓮華
居易詩云宿因月桂落寺溪之外震山也
錢塘記云峯頂有孤石可四圍頂土四開狀似
千葉蓮花郡守盧元輔詩云遠客偏尋月桂子
老人不記石蓮花梅詢詩云巨石如芙蓉天然匪
雕飾盤礴峯頂邊輝娟秋江側涉川試誰探作礪
當自惜坐與榮落同貞心未嘗易徐寅游靈峯
隱天竺詩石和雲霧蓮花氣月過樓臺桂子馨峯
之前有合澗曰武林泉有西漢晉地理志皆云錢塘
入于海莽曰泉亭晏殊輿地志云武林山錢塘泉
出焉顧夷吾山川記云自南徂東臨浙江一派謂
之靈武林之陰北澗之陽即靈隱寺唐楊巨源送
隱浦曾過靈隱江邊寺獨宿東樓看海門潮色銀
州詩鋪碧落日金光柱出紅盆潘道遙宿靈隱寺
河鋪碧落日金光柱出紅盆潘道遙宿靈隱寺
詩云遠寺千千萬萬峯滿天風雪打杉松地爐火
暖黃昏睡更有何人似我慵孫雄飛靈隱蓮花

清祐臨安志卷八

十

堂詩云堂開金色界梵客為鈎簾山影碧侵座水
聲清遠簷粉雲埋石脚珠露泣松髯終擬攜孤笛
凭欄喚玉蟾林和靖運使陳學士游靈隱寺寓
懷詩云山壑氣相合旦暮生秋陰沈按部既優游
若鳴璫琴舉目羣狀動傾耳百慮沈心飄飄白猿
時此振衣襟泓澄冷泉色寫我清曠心飄飄白猿
聲答我雅正吟經臺復丹井捫蘿常徧臨鶴蓋青
霞映玉趾蒼苔侵溫顏照槁木真性馴幽禽所以
仁惠政及物一苔深灑翰嶙峋壁返武林之南南
澗之陽即天竺寺靈隱寺山名也天竺非山名也
仙居稽留等五名而無天竺之稱所以有寺者隋
開皇中大法師真觀于飛來峯下造之峯既來自
天竺故以名焉靈隱寺隋開皇十五年建大宋天
禧四年重興白樂天竺靈隱兩寺詩云在郡
六十年入山十二回宿因月桂落醉為海榴開黃
紙除書到青宮詔命催僧徒多悵望賓從亦徘徊
寺暗煙埋竹雲香雨落梅別橋憐白石辭洞戀青
苔漸出松間路猶飛馬上杯誰教冷泉水送我下

山來天竺南院贈開元旻清四上人詩云雜芳
澗草合繁綠崑樹新山深景候晚四月有餘春竹
寺過微雨石徑無纖塵白衣一居士方袍四道人
地是佛國土人非俗交親城中山下別相送亦慙
勤念宿天竺寺詩云野寺經三宿都城復一還家
仍念婚嫁身尚繫官班瀟灑秋七葉堂避暑詩云
長閑猶未得逐日且偷閑天竺七葉堂煩暑隨步
鬱鬱復鬱鬱熱何時畢行入七葉堂煩暑隨步
失簷雨稍霏微臆風正蕭瑟清宵一覺睡可以消
百疾權德輿天竺寺詩云香刹西天寺昔游如
夢中烟蘿迷俗駕猿狖應山童蕭颯松陰靜欬危
石棧通雲霞樓半壁丹紺照青空世累悲何已心
期惜未同相看極歸騎花雨夕濛濛翰林蘇公
軾聞唐林夫從靈隱寺寓居詩靈隱前天竺後雨
澗春淙一靈鷲不知水從何處來跳波赴壑如奔
雷無情有靈鷲不知水從何處來跳波赴壑如奔
錢塘六百日山間暫來不暖席亭下相縈迴我來
葛衣草履隨僧蔬能與洽泉作主一若欲作靈鷲居
十四考
書中書

淳祐臨安志卷八

士

亭館

虛白亭 郡守相里公
造初建此亭

候仙亭 韓僕射臯建
白公樂天詩云蹇步隨朱
綬華纓映白鬚何因駐衰老只有且歡娛

酒興還應在詩情可便無
登山與臨水猶未要人扶

見山亭 給事中盧元輔作張商英詩云簾
捲疎烟醉眼開浮雲飛盡見崔嵬

冷泉亭 在飛來峯下唐右司郎中杭州刺史河南
元稹建長慶三年刺史白居易記曰東南山

亭上政和中住山僧惠雲增廣水池亭前又有
小亭郡守毛友以爲贅疣命去之記曰東南山

水餘杭郡爲最就郡言靈隱寺爲尤由寺觀冷
泉亭爲甲亭在山下水中央寺西南隅高不倍

尋廣不累丈而撮奇得要地搜勝槩物無遁形
春之日吾愛其草薰薰木欣欣可以導和納粹

暢人血氣夏之夜吾愛其泉淅淅風冷洽可以
蠲煩析醒起人心情山樹爲蓋岩石爲屏雲從

棟生水與階平坐而玩之者可濯足于牀下臥
而狎之者可垂釣于枕上則又可潺湲潔漱
柔滑若俗士若道人眼耳之塵心舌之垢不待
盥滌見輒除去潛利陰益可勝言哉斯所以最
餘杭而甲靈隱也杭自郡城抵四封蔡山復湖
易爲形勝先是領郡者有相里君造虛白亭有
韓僕射臯作候仙亭有裴庶子常棣作觀風亭
有盧給事元輔作見山亭及右司郎中河南元
黃寔後作此亭於五亭相望如指之列可謂
佳境殫矣能事畢矣後來者雖有敏心巧目無
所加焉故吾繼之述而不作長慶二年八月十
三日記曹既明詩云朱簷日轉軒牕冷碧嶂
雲低草樹香山影倒沈波底月夜闌相對寫寒
光譜張履信詩云水石一欄干僧歸四山靜携
琴譜澗泉信浸夜深冷

觀風亭 唐庶子河東裴常棣造白居
袁君亭 陸羽記云五亭相望如指之列
袁仁敬所造

淳祐臨安志卷八

三

紫薇亭 郡守紫薇舍人唐詢暇日至靈隱
山顧訪勝槩囑此建亭因以名之

翠薇亭 紹興十三年韓世忠於此建亭後廢乾道
五年郡守右文殿修撰曹川周宗建乾道

履信翠薇亭晚望詩云一朝朝鳥北出夜夜鳥南
歸所謀在一食所息在一朝朝鳥北出夜夜鳥南

同此機身世忽過慮泉石良自
怡月上飛來峯更誰登翠微

石橋亭 在武林山中路近緡經臺楊蟠見山亭詩
云看山坐石亭裴休詩云山斷石爲橋陸

羽寺記又云次青
壁檻次渦渚東嶼

月桂亭 在月下

夢謝亭 晏殊輿地志晉謝靈運會稽人其家不宜
子息乃寄養於錢塘杜明師之舍明師夜

陸羽記云一賢人相訪翌旦靈運至故號夢謝亭
元輔靈隱寺詩云客兒亭在靈隱山閒給事中盧

晉家樹絕頂客兒亭

丹竈堂

陸羽記云方士葛洪煉丹之所

隱居堂

晏殊輿地志云陸瑋字文該官歷上都納祿隱居于靈隱山間湖南造隱居堂圖淮南

許邁思真堂

陸羽二寺記云許邁字遠遊一名映詳其方外門

古蹟

石門澗

陸羽二寺記云南有巉巖舊有臥龍石橫澗中慈雲法師種松于此

連巖棧伏龍澗

過石門澗之南為連巖棧之次也陸羽二寺記云皆靈隱山泉澗中怪石之狀

詩云岌岌青松外安知鳥翼孤寒猿三叫罷便是蜀州圖伏龍澗詩云靜久波濤散溪深湧亂絲悠悠山下客將見水停時郭祥正連巖棧與巖連伏龍澗詩云潭心有伏虎急溜和氣

涪祐臨安志卷八

三

濺頭角何時成敢借風雲便

青林巖

圖經云靈隱山在縣西一十二里高九十丈周迴一十一里顧夷吾山川記曰靈

隱山有林巖龍洞其上悉楮桂凌冬不凋故其林常青也楊蟠詩云鳥外無行迹寒林引薛蘿山中僧己老不信雪霜多郭祥正詩云青帝留行迹巖前春不歸儘從霜與雪君看碧依

理公巖

天竺山靈鷲院法堂後有埋公巖在焉陸羽記云晉慧理宴息於下巖下通人往來

後有僧于巖上遇迴鑿小羅漢佛菩薩像慈雲法師自葺居天竺寺十有三年訪慧理之禪巖弔客見之山館是也楊蟠詩云日月巖前鳥秋來不復間達人今己化名繫此山雲郭祥正詩云晉代胡僧理開山第一

合澗橋

靈山之陰北澗之陽即天竺寺二澗流水號錢源泉南澗之陽即天竺寺二澗流水號錢源泉

遶寺峯南北而下至峯前合為一澗有
橋號為合澗橋楊蟠及僧遵式皆有詩

呼猿洞 陸羽云宋僧智一善嘯有哀松之韻嘗養
又遵式白猿峯詩序云西天僧慧理蓄白猿于

靈隱寺詩云引水穿廊步呼猿遠澗跳澗側有
飯猿臺寺僧舊施食于此梅詢詩云古澗飛白

猿寂歷不知處風激石上泉僧疑蒼蒼樹微茫
認松雪髯髯橫樵路寫望增爾思蒼蒼奈烟霧

楊蟠詩云青松愁絕澗日夜白猿吟掌握多相
就安知世上心 郭祥正詩云隔澗白猿子呼

來險是真一從滄海別號嘯不知春 白猿子呼
詩云飛來何處峯木抄夜干

尺愁後喚不磨月色同 一白
巖石室龍泓洞 殊在天竺山靈鷲院理公巖之北晏

仙翁于此得道輿地志曰有石洞徹浙江下過
蕭山有探石乳者入其洞聞波浪之聲後有人

就洞兩畔鑿住世羅漢十六尊王公隨寄慈雲
法師詩云丹井經臺接岩洞是也或云龍泓洞

淳祐臨安志卷八 四

即壽聖院龍井非也蒲宗孟守杭日嘗游此洞
刻名石上梅詢詩云矯矯淵下龍潛神在靈府

雲臥雖有時泥沙可長處陰崖寒氣腥峭壁烟
痕古何當救旱嘆奮起為霖雨 楊蟠詩云六

月千里旱偷泉心亦卑不煩山老祝神物久無
思 郭祥正詩云洞口無凡木陰森夏亦寒曾

知一泓水會 有老龍蟠

鍊丹井烹茗井 晏殊輿地志天竺山下有葛仙翁
鍊丹井今在下天竺寺藏院又云

靈隱山有白 少傅烹茗井

葛塢朱墅 晏殊輿地志葛塢在靈隱山吳方士葛
稚川亦曾居此朱墅者梁隱士鹽官朱世卿之

別墅 楊蟠葛塢詩云此塢久無色何年朝太
真曉耕雲下路猶恐是仙民 郭祥正詩云二

葛既成仙猶存煉丹處有時化鶴來徘徊不知
去 楊蟠朱墅詩云白雲今不去惆悵昔人非

葉落風前響猶疑踏雪歸 郭祥正詩云梁國

衰微後徵君隱逸時至
今風味在試聽野猿悲

女兒山玉女巖

太平寰宇記靈隱山南一石狀似

野王地志云靈隱山南有玉女巖舊志載翰林
蘇公軾嘗愛玉女洞中水既致兩餅恐後復出
而為使者見給因破竹為契使寺僧藏其一以
為往來之信謂之調水符詩曰欺謾久成俗關
市有契繻誰知南山下取水亦置符古人辨淄
澠皎若鶴與鳥吾今既謝此但視符有無常恐
汲水人智出符之餘吾
防恐無及存置為長吁

醴泉

陸羽寺記大曆六年忽出醴
泉酌之療疾又有臥犀泉

北高峯

靈隱寺後山是也塔記云唐天寶中邑人於北高

峯建磚塔七層會昌中塔廢毀大中復興武肅王

淳祐臨安志卷八

五

懿王皆重修之至道二年雷霆火熱重立葬以古

佛舍利湊化以後屢修元豐以來長老圓明大師

重修建

起居舍人姚鉉詩云高塔屹高峯上與蒼
旻接○翰林蘇公軾游高峯塔言游高峯

塔葶食治野裝火雲秋未衰及此初旦涼霧霏岩
谷暗日出草木香嘉我同來人久便雲水鄉相勸
小舉足前路高且長古松攀龍蛇怪石坐牛羊漸
聞鐘磬音飛鳥皆下翔入門空無有雲海浩茫茫
惟見聾道人老病時絕糧問年笑不答但知穴藜
床心知不復來欲歸更徬徨贈別留正布知今歲天
早霜○楊蟠詩云杳杳孤峯上寒陰帶遠城不知
山下雨奎斗自分明○郭祥正詩云翠出諸峯上
湖邊正北看夜深雲霧散獨臥斗杓寒○契嵩
武林山記云高峯之東曰屏嶺西者香爐峯

白雲峯

上天竺山後最高處謂之白雲峯於是寺僧建堂

其下謂之白雲堂山中出茶因謂之白雲茶東坡

居士有和茶詩云白雲峯下兩槍新謂此也楊蟠詩云

萬頃田開雨多從頂上生野人猶不足常擬鑿為

平○郭祥正詩云湖上峯爭碧此峯藏白雲雲光

南高峯

在南山石塢煙霞山後高崖峭壁怪石尤多北望

晴煙江湖接目峯下出寒水石山中人競採之擣

為齒藥上有磚塔高可十丈相傳云天福中建崇

寧二年仁王寺僧修懿重修楊蟠詩云日氣層層

天上影一半入江湖○郭祥正詩云岌岌穿南斗

淳祐臨安志卷八

六

裴登南山塔詩云平生登塔與登樓亂盡鄉心

孤山

祥符舊經云去錢塘舊治四里湖中獨立一峯圓

法師銘曰羣山四絕秀出波心舊有報恩院觀音

智果院廣化寺碼瑙寶勝院自唐以來題咏特甚

唐張祐詩云樓臺聳碧岑一徑入湖心不雨山長

潤無雲水自陰斷橋荒蘚合空院落花深猶憶西

聰月鐘聲出北林○白樂天西湖晚歸望孤山寺

詩云柳湖松島蓮花寺晚動歸橈出道場盧橘子

低山雨重柁欄葉戰水風涼煙波淡蕩搖空碧樓

殿參差倚夕陽到岸請君迴首望蓬萊宮在水

中央又孤山寺遇雨詩云拂波雲色重灑葉雨聲繁

水鷺雙飛起風荷一向翻空濛連北岸蕭颯入東

軒或擬湖中宿留船在寺門○林和靖孤山寺詩

雲峯水樹南朝寺祇隔叢篁作並隣破殿靜披蘿

白古齋房閑試酪奴春白公睡閣幽如畫張祐詩
牌妙入神乘興醉來拖木屐翠苔蒼蘚石磷磷又
孤山寺端上人房寫望云底處憑欄思渺然孤山
塔後閣西偏陰沈畫軸林間寺零落棋枰葑上田
秋景有時飛獨鳥夕陽無事起寒煙遲留更愛吾
廬近祇待重來看雪天又孤山後寫望云水墨屏
風狀總非作詩除是謝元暉溪橋寫望如淡鳥橫
斧丁研翠微返照未沈僧獨往長煙如淡鳥橫
飛南峯有客鋤園罷閒倚籬閒忘卻歸又孤山雪
中寫望云瓊樹瑤岑掠眼新鮮人時復颺珠塵此
游孤山訪惠勤惠思二僧詩云欲雪東坡臘日
臺明滅山有無水清出石魚可數林深無人鳥相
呼臘日不歸對妻孥名尋道人實自娛道人之居
在何許寶雲山前路盤紆孤絕誰肯廬道人
有道山不孤紙牕竹屋深自煖擁褐坐睡依團蒲
天寒路遠愁僕夫整駕催歸及未晡出山迴望雲
木合但見野鶻盤浮圖茲游淡薄歡有餘到家恍
如夢遽遽作詩火速追忘通清景一失後難摹○
楊蟠詩云長長雲中路追忘通清景一失後難摹○

涓祐臨安志卷八

七

喚作小蓬萊○郭祥正詩云塵寰千障合月窟一
峯孤欲識僧歸處飄然一寶珠○葉夢得記張景
修與吾同為郎夜宿尚書新省之祠曹廳步月庭
下為吾言往嘗以九月望夜道錢塘與詩僧可久
泛西湖至孤山己夜分是歲早寒月色正中湖面
渺然如鎔銀傍山松檜參天露下葉閒蕤蕤皆吟
光微風動湖水平然不勝寒索衣無所射可久清癯其背
坐中淒然不勝寒索衣無所射可久清癯其背
謂平生得此無幾吾為作詩記之以空米囊覆其背
寒威林下此僧見亦稀怪得題詩無俗語十年肝
膈湛寒輝此一灑然也今為
想像亦可一灑然也今為

御苑涼堂旁建延祥觀

古蹟

柏堂 陳文帝天嘉二年建廣化寺嘗植二柏其一
為人所薪山下老人自為兒時見其枯矣然堅
悍如金石愈于未枯者僧志詮作堂于其側名

日柏堂堂與白公居易竹閣相連屬作二詩記
之柏堂詩云道人手種幾生前鶴骨龍姿尚宛
然雙幹一出先神物化九朝三見太平年忽驚華
厦依岩出乞與佳名到處傳此柏未枯君記取
灰心聊伴小乘禪○楊蟠詩零落雪霜後
猶含千載春一株化為石誰是種時人

竹閣

閑無勞別脩道即此是元關○蘇公軾詩海山
堯率兩茫然古寺無人竹滿軒○蘇公軾詩海山
語蒼龍猶是種時孫兩叢恰似蕭郎筆干畝空
懷渭上村欲把新詩問遺像病維摩詰更無言

處士林逋廬

病妨開卷春陰入荷鋤嘗憐古久蜂懶得花疎酒
漁猿鳥分清絕林蘿擁翠微步穿僧徑出肩掩
道衣歸水墅香醅熟崖早笋肥功名無一點
何處更忘機園井夾蕭森紅芳墮翠陰書巖松
鼠靜春塹竹雞深歲課非無木家藏獨有琴顏
原遺事在干古壯閑心門逕獨蕭然山林屋舍

淳祐臨安志卷八

六

邊水風清晚釣花日重春眠苒苒苔衣滑磷磷
石子圓人寰諸洞府應合置間仙又小隱詩云
道著權名便絕交一峯春翠濕衡茅莊生已價
鳴鳶赫揚子休譏蝦蟇嘲倚瀉藥泉來石竇霏
霏茶鬻出松梢琴僧近借南薰譜且井閑功子
細抄魯望亡來己百年又生吾輩在林泉誰知
隱遞為高尚敢道文章到聖賢月界曉臆琴嶽
潤竹搖秋机墨雲鮮南塘一霎霏微雨更擁漁
蓑上釣船又云山水未深猿鳥少此生猶擬別
移居直過天竺溪流土獨樹為橋小結廬○山
園小梅詩眾芳搖落獨暄妍占斷風情向小園
疎影橫斜水清淺暗香浮動月黃昏霜禽欲下
先偷眼紛紛蝶無知合斷魂幸有微吟可相狎不
須檀板共金樽剪綃零落點蘇乾向背稀稠畫
亦難日薄縱甘春至晚霜深應怯夜來寒澄鮮
祇共隣僧惜冷落猶嫌俗客看憶昔江南舊行
路酒旗斜拂墜吟鞍數年閑作園林主未有新
詩到小梅摘索又開三兩朶團圓空遶百千迴
荒隣獨映山初盡一晚景相禁雪欲來寄語清香
少愁結為君吟罷一啣盃○吟懷長恨負芳時

爲見梅花入詩雪後園林纔半樹水邊籬落
忽橫枝人憐紅豔多應俗天與清香似有私堪
笑胡雛亦靖風味解將聲調角中吹○范文正公
仲淹寄和靖處士詩片心高與月徘徊○豈爲千
鍾下釣臺猶笑白雲多事在等閑爲雨出山來
○鮑當題林和靖隱居湖水春來綠山雲夏亦
繁何如隱君子長嘯掩柴門○蘇公軾書和靖
詩後云吳儂生長湖山曲呼吸山光飲湖淥不
論世外隱君子販夫俚婦皆冰玉先生可是絕
俗人神清骨冷無由俗我不識君曾夢見瞳子
瞭然光可燭遺篇妙字處處有步遶西湖看不
足詩如東野不言寒書似西臺差少肉平生高
節已難繼將死微言猶可錄自言不作封禪書
更肯悲吟白頭曲我笑吳人不好事好作祠堂
傍修竹不然配食水仙
王一瓊寒泉薦秋菊

巢居閣 楊蟠詩昔日巢居客今爲天上
仙文章流海內几杖葬山前

和靖處士祠墓

淳祐臨安志卷八 九

金沙井 楊蟠詩細細沙痕落流金在井

碼碯坡 楊蟠詩石徑生光怪傳流碼碯

四照閣 鄭解詩湖山天下之絕境羣山繞湖千百

軒不置廳與檻湖光山翠還相通側

六一泉 孤山僧惠勤嘗游六一先生歐陽公之門

汪然甚白而甘因名曰六一
泉以表思公之意且爲之銘

粟山

晉書隋書地理志餘杭郡有粟山祥符經云在錢

塘縣西一十七里高六十二丈周迴一十八里二

百步太平寰宇記云山下有飛泉二里又云有石

杵闊二丈長一丈四尺吳大帝刻云黃武二年歲次戊午吳志黃武二年乃癸卯歲不同八月三日十二字餘卽湮沒今在東墓嶺側

巨石山一名石甌山

隋書地理志錢塘有石甌山山頭有巍石如甌然太平寰宇記在錢塘縣舊治南三里祥符經云高六十三丈周迴二十三里一百步郡國志云上有七層古塔妙絕人工山北有落星二石吳越王錢氏號壽星寶石山後改爲巨石山羅隱封石記云或聳秀而層排巨石或岩巽而朝挹眾山按祥府經寺院

淳祐臨安志卷八

三

門定業院山與巨石山雖相連而相去甚遠有二石甌山未詳

巾子峯

在錢塘門外舊志云在梵天院後形如巾幘和靖林逋

詩云巾子山頭烏日木微霜未落葉先紅○楊蟠詩云首出羣山內晴窗幾處看不因風雨折開檻滿溪寒○郭祥正詩云嵯峨插天頂寒翠灑湖光吟寒搖艇子猶疑漉酒香○西湖勝跡事實云在壽星寺後詳前詩首出羣山嵯峨插天之句則高峻可知壽星寺後有一石高丈許周回三四丈形如巾幘恐因得名爾

南屏山

在興教寺後怪石秀聳松竹森茂間以亭榭中穿一洞崎嶇直上石壁高崖若屏障然故謂之南屏

有摩崖刻司馬溫公家人卦大學中庸碑楊驥詩云日落游人散山寒起樹聲玲瓏石上穴處處有雲生○郭祥正詩云真山反如假壘徑入雲屏不借湖光洗朝朝撥魚青餘見寺

小南屏山

在廣教院後怪石玲瓏有若屏障

慧日峯

在淨慈寺後今有慧日閣

雷峯

在淨慈寺前顯嚴院有寶塔五層傳收西湖勝跡云昔郡民雷就之所居故名雷峯庵世傳此峯眾

清祐臨安志卷八 三

山環繞故曰中峯林和靖有中峯望北山一詩云帶層巘疎葦際蒼洲固是堪長往何為難久留庶將濠上想聊作刻中游又中峯詩云中峯一徑分盤折上幽雲夕照全村見秋濤隔岸聞長松蒼古翠衰藥動微薰自愛蘇門嘯懷賢事不羣

雞籠山

在龍井風篁嶺側形高而圓有若雞籠然

霍山

在錢塘門外有張王廟歲仲春八日傾城士女咸集焉

赤山

在錢湖門外厥土赤埴上有惠因院俗呼高麗寺對有

玉岑峯

玉岑山

在錢湖門外惠因寺相對一峯聳出眾山繚繞石中有古木倒垂森翠可愛

鴉雞峯

在西山崇因報德院有怪石狀類鴉雞

卓筆峯

在靈隱無垢院有石笋形如筆葛澧帝都賦云峯曰卓筆

花家山

淳祐臨安志卷八

三

三賢堂後相對在大麥嶺山後一名蛇山

月輪山

在龍山左右形圓如月故名

馬鞍山

在兒門武狀元坊步司左軍後形如馬鞍故名

靈石山

一名積慶山
一名靈石塢

在西山放馬場側有崇因報德院古蹟靈石舊曾有祥光現故名

楊蟠詩云石冷雲長掛林寒鳥未棲青松花自發不使後人迷○郭

祥正詩靈石山前路山深寺更深不知明月去空惜白雲沈

仙姑山

在錢塘門外東山街

西觀音山

在錢塘門外王家橋試院後山是也

龍門山

在錢塘縣西溪之欽賢鄉地高峻上存龍池寺

觀山黃杜山了頭山茆山篠山楊梅山

祥符經云在錢塘縣崇化鄉第七都眾山接連高
一百五十丈周迴三十五里